

Na osnovu člana 152. stav (4) Zakona o zdravstvenoj zaštiti ("Službene novine Federacije BiH", br. 46/10 i 75/13), a u vezi sa članom 11. stav (4) Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), Zavod za javno zdravstvo Federacije Bosne i Hercegovine (ZZJZ FBiH) u saradnji sa Ekonomskim fakultetom Univerziteta u Sarajevu (EFSA UNSA) i Medicinskim fakultetom Sveučilišta u Mostaru (MF SVMO), uz učešće Medicinskog fakulteta Univerziteta u Sarajevu, Ekonomskog fakulteta Sveučilišta u Mostaru i Ekonomskog fakulteta Univerziteta u Tuzli, uz saglasnost federalnog ministra zdravstva, objavljuje

## JAVNI OGLAS

### za kontinuiranu profesionalnu edukaciju iz oblasti zdravstvenog menadžmenta

Federalno ministarstvo zdravstva u saradnji sa nosiocima edukacije iz zdravstvenog menadžmenta, organizuje nastavak provođenja kontinuirane profesionalne edukacije iz zdravstvenog menadžmenta, prema planu standardizirane edukacije (SHCE), u skladu sa članom 9. Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), u daljnjem tekstu: Pravilnik o KPE.

Edukativni program obuhvata tri nivoa edukacije (SHCE 1, SHCE 2 i SHCE 3) u ukupnom trajanju od 265 sati nastave.

Nakon uspješno odslušane nastave i završene provjere znanja svakog nivoa, polaznici dobivaju certifikat ovjeren od strane Federalnog ministarstva zdravstva, koji ima snagu javne isprave i dokaz je o poznavanju određenog nivoa zdravstvenog menadžmenta.

U skladu sa članom 12. Pravilnika o KPE, edukacija iz zdravstvenog menadžmenta je dostupna zdravstvenim radnicima, zdravstvenim saradnicima i drugim profesionalcima zaposlenim u zdravstvenim ustanovama, privatnim praksama, zavodima zdravstvenog osiguranja i ministarstvima zdravstva, kao i drugim pravnim licima u sistemu zdravstva Federacije BiH.

**U skladu na navedenim, u drugoj polovini 2023. godine nosioci edukacije planiraju organizovati edukaciju iz zdravstvenog menadžmenta za:**

- grupu do 25 polaznika osnovnog nivoa edukacije – SHCE 1
- sve polaznike srednjeg nivoa edukacije – SHCE 2 koji su završili i uspješno prošli provjeru znanja iz SHCE 1
- sve polaznike naprednog nivoa edukacije – SHCE 3 koji su završili i uspješno prošli provjeru znanja iz SHCE 2

**Početak edukacije planiran je u septembru 2023. godine.**

**Raspored edukacije za sve nivoe bit će objavljen na web stranicama EFSA UNSA, MFSVMO i ZZJZ FBiH nakon isteka roka prijave.**

Uslovi za upis na osnovni nivo edukacije:

- završen fakultet zdravstvenog ili drugog smjera, odnosno škola zdravstvenog ili drugog smjera;
- položen stručni ispit u stručnom zvanju samo za zdravstvene radnike.

Dokumenti koji se prilažu pri upisu na osnovni nivo edukacije (SHCE 1):

- ovjerena fotokopija diplome o završenom fakultetu zdravstvenog ili drugog smjera, odnosno ovjerena fotokopija diplome o završenoj srednjoj školi zdravstvenog ili drugog smjera;
- uvjerenje o položenom stručnom ispitu (za zdravstvene radnike);
- popunjenu prijavnicu za KPE iz zdravstvenog menadžmenta.

Ukoliko je neko od polaznika obavio edukaciju iz zdravstvenog menadžmenta u Federaciji BiH, odnosno izvan Federacije BiH, kao i u inostranstvu, potrebno je uz prijavu dostaviti i rješenje federalnog ministra zdravstva o priznavanju navedene edukacije izdato u skladu sa članom 43. Pravilnika o KPE.

Polaznici koji su uspješno završili edukaciju iz osnovnog i srednjeg nivoa edukacije po Planu i Programu iz Pravilnika o KPE, trebaju samo popuniti prijavnicu i dostaviti je na e-mail kontakt osoba u ZZJZ FBiH, ili MFSVMO ili EFSA UNSA.

Ukoliko zahtjev podnosi zdravstvena ustanova, privatna praksa kao i zavod zdravstvenog osiguranja, posebni uslovi za neograničen broj svojih zaposlenika su:

- dokaz o ispunjavanju uslova za obavljanje zdravstvene djelatnosti, odnosno druge srodne djelatnosti u zdravstvenom sektoru, izdan od ovlaštenog organa.

Dokumenti koji se prilažu:

- rješenje o obavljanju zdravstvene djelatnosti
- rješenje o upisu u sudski registar (samo za pravna lica).

Prijavnica za učešće na edukativnom programu je dostupna na web stranici ZZJZ FBiH ([www.zzjzfbih.ba](http://www.zzjzfbih.ba)), EFSA UNSA ([www.efsa.unsa.ba](http://www.efsa.unsa.ba)) i MFSVMO ([www.mefmo.ba](http://www.mefmo.ba))

**Kandidati koji upisuju osnovni nivo edukacije trebaju ispravno popunjenu prijavnicu sa potrebnim dokumentima, u zatvorenoj koverti, lično ili putem pošte dostaviti u Federalno ministarstvo zdravstva, Ul. Maršala Tita br. 9, 71000 Sarajevo.**

**Na koverti navesti: *Dokumentacija za kontinuiranu profesionalnu edukaciju iz zdravstvenog menadžmenta.***

**Javni oglas se objavljuje na web stranici ZZJZ FBiH ([www.zzjzfbih.ba](http://www.zzjzfbih.ba)), EFSA UNSA ([www.efsa.unsa.ba](http://www.efsa.unsa.ba)) i MF SVMO ([www.mefmo.ba](http://www.mefmo.ba)), kao i u dnevnim listovima: „Večernji list“ i „Dnevni avaz“.**

**Rok za podnošenje prijave traje do 30.06. 2023. godine.**

Troškovi kotizacije po polazniku iznose:

za osnovninivo, SHCE 1	1.600,00 KM
za srednji nivo, SHCE 2	1.800,00 KM
za napredninivo, SHCE 3	2.300,00 KM

Obaveza polaznika je, da najkasnije sedam dana prije početka prvog modula edukacije uplate minimalno 1/3 iznosa kotizacije za određeni nivo edukacije, a ostatak iznosa najkasnije 10 dana prije završnog ispita. Potvrdu o uplati polaznici su obavezni poslati na e-mail [edu@zzjzfbih.ba](mailto:edu@zzjzfbih.ba) ili donijeti prvi dan predavanja, jer bez dostavljene potvrde neće moći prisustvovati nastavi.

Troškovi kotizacije se uplaćuju na Namjenski transakcijski račun Zavoda za javno zdravstvo Federacije BiH, broj: **1020 5000 0010 6698** otvoren kod **Union Bank d.d. Sarajevo**, sa pozivom na broj: **4005699600**, uz naznaku vrste prihoda **722613**, broja budžetske organizacije **2002001** i šifre općine **077**.

Za detaljnije informacije kontaktirati:

---

**Zavod za javno zdravstvo Federacije BiH**

Vukovarska br. 46, 88000 Mostar

Tel.: + 387 36 382 132 ili + 387 36 382 139

Fax.: + 387 36 382 116

E-mail: [edu@zzjzfbih.ba](mailto:edu@zzjzfbih.ba)

**Medicinski fakultet Sveučilišta u Mostaru**

Bijeli Brijeg bb, 88000 Mostar

Tel/fax: +387 36 335 600

E-mail: [danijel.pravdic@gmail.com](mailto:danijel.pravdic@gmail.com)

---

**Ekonomski fakultet Univerziteta u Sarajevu;**

**Poslovna akademija EFSA UNSA**

Skenderija br.70, 71000 Sarajevo

Tel: + 387 33 564 354

Fax: +387 33 564 371

E-mail: [lela.grubesic@efsa.unsa.ba](mailto:lela.grubesic@efsa.unsa.ba)

---

Broj: 01-33- 3272/23  
Sarajevo, 29.05.2023.godine

**ZAVOD ZA JAVNO ZDRAVSTVO FEDERACIJE BIH**

**S A R A J E V O**  
**Ul. Maršala Tita broj 9.**

**PREDMET: Suglasnost na javni oglas.**

Poštovani,

Ovom prilikom vas izvještavam da dajem suglasnost na tekst Javnog oglasa za kontinuiranu profesionalnu edukaciju iz oblasti zdravstvenog menadžmenta, a sukladno svojim ovlastima iz članka 11. stavak (4) Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20). Navedena edukacija, koja je predmet javnog oglašavanja, planirana je za rujan 2023 godine.

S poštovanjem,

**MINISTAR**  
**Dr. Nediljko Rimac**



ZAVOD ZA JAVNO ZDRAVSTVO  
F BiH, Sarajevo, Maršala Tita br. 9

Primljeno: 31.5.2023.			
Org. jed.	Klas. oznaka	Red. broj	Broj priloga
M-09-02-8-226		11	23